

Sarkina Bt Mat Saad @ Shaari

From: Unit Komunikasi Korporat
Sent: Tuesday, May 15, 2018 4:47 PM
To: UUM - All Staff; UUM - All Students
Subject: CETUSAN INOVASI DAN KREATIVITI, TINGKAT PRESTASI



15 MEI 2018 / 29 SYAABAN 1439H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Siti Fatimah Abdullah
Gambar oleh: Muhammad Shamsul Shafie

CETUSAN INOVASI DAN KREATIVITI, TINGKAT PRESTASI



UUM ONLINE: Konvensyen Kumpulan Inovatif dan Kreatif (KIK) Terbuka UUM 2018 memberi peluang kepada kakitangan untuk memberi idea yang lebih kreatif dan inovatif dalam meningkatkan lagi prestasi jabatan masing-masing.

Pengarah Institut Pengurusan Kualiti, UUM, *Prof. Dr. Nor Aziah Abd Manaf* berkata, transformasi ekonomi, sosial, teknologi dan budaya yang dinamik memerlukan banyak cetusan inovasi dan kreativiti dalam mendepani revolusi perindustrian 4.0.

“Oleh itu, pelbagai inisiatif transformasi telah dilaksanakan bagi menjadikan produk dan perkhidmatan yang ditawarkan lebih berinovatif dan kreatif, di samping mencipta, membina dan menggunakan kaedah pengurusan yang lebih efektif.

“Bagi memastikan inovasi dan kreativiti yang telah dihasilkan kekal lestari, penerbitan dokumen inovasi juga perlu dilaksanakan untuk manfaat bersama,” ucapnya ketika merasmikan Konvensyen Kumpulan Inovatif dan Kreatif (KIK) Terbuka UUM 2018.

Menurutnya, dengan menerapkan konsep *knowledge-based* dan *creativity-driven* terhasillah inovasi yang memberikan nilai tambah kepada produk atau perkhidmatan, sama ada dari sudut pengurusan atau teknikal.

“Inovasi dan kreativiti amat penting bagi mewujudkan persekitaran pekerjaan yang berdaya maju dan kompetitif agar dapat bersaing dalam dunia yang semakin mencabar.

“Setiap idea inovasi bermula dengan keazaman dan kualiti kepimpinan dalam erti kata lain, pemimpin yang berkualiti mampu menjadi peneraju inovasi,” luahnya di Dewan Seminar A, Pusat Konvensyen, semalam.

Namun tambahnya, budaya inovasi bukanlah tanggungjawab pemimpin organisasi sahaja kerana semua kakitangan ialah pengamal justeru itu, rancangan inovasi mestilah melibatkan semua warga kerja.

“KIK merupakan satu mekanisma yang dinamik untuk memberi peluang kepada semua kakitangan dalam proses penyelesaian masalah, penambahbaikan proses kerja dan standard yang sedia ada serta menjana idea baharu.

“Saya mengucapkan terima kasih kepada semua pihak yang terlibat, khususnya Institut Pengurusan Kualiti selaku penganjur dan panel penilai serta syabas kepada semua pasukan yang menyahut cabaran untuk bertanding,” katanya.

Konvensyen kali ini menarik penyertaan luar dari Jabatan Bomba & Penyelamat Negeri Johor dan Kedah, Lembaga Kemajuan Pertanian Muda (MADA) serta Pusat Pembangunan Korporat & Pengurusan Kualiti (PUSPEK), Universiti Malaysia Perlis (UNIMAP).

Dua kategori yang dipertandingkan iaitu Pengurusan dan Teknikal yang menampilkan Anugerah Inovasi Terbaik, Anugerah Persembahan Terbaik, Anugerah Fasilitator Terbaik, Anugerah Visual Terbaik dan Anugerah Kreativiti Terbaik.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
f Universiti Utara Malaysia (Official FB)





Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.